





f. 61.

H. XIII. II.



Liber  
Novo Tacin.  
937/II.



Henrici Nicolai.

1. Disputatio de Potentia in rebus.
2. Diss. de Synonymo et Paronymo.
3. Gymnasium Logicum.
4. Tractatus de Pace edit. 1644.
5. Gerethlia five Natalitia ed. 1642.
6. Dehincatio Colloquii inter Valerianum Magnum, Capuccinum  
et Henricum Nicolai.
7. Erklärung des Christl. Eulef. IV. 4. Secunda editio.
8. Anatomie Papiſmi impietatis Jesuitici.
9. Natſchural Veltner Kundſch. bey der Lucif. Logia quibus Henrici  
Nicolai geſaltan.



# DE PANE.

## Exercitatio II.

### De Panis in communi affectionibus.

Adh. 24

#### THES. XVIII.

**U** Sum Panis Naturalem discutere cepimus. In eo per-  
 texendo jam pergere institutum jubet. Quartur 4. Cur  
 panis ex agris valde stercoreatis eductus noxius est?  
 Ita Ichthyophagus quidam apud Herodotum l. 3. Cum  
 Cambysem pane ex stercoreatis agris parato nutrire, & Persas non  
 ultra 80. annos vivere audiret, nihil miri esse respondit, si sterco-  
 re veseentes Persa paucis annis viverent. Quia sterco-  
 rum excrementum est, adjunctos habet halitus & tetros ac nocuos, quos fruges  
 ad sese attrahentes vitium non leve contrahunt, & utentibus illis  
 noxium & perniciosum. 5. Cur panis quotidianus dicitur in  
 Orat. Dominicâ, Mat. 6. v. 11? Varia de hoc sentiuntur. Quidam  
 de pane spirituali, quidam de naturali, alij de sacramentali ex-  
 plicanti. Optimè illi, qui in istis dictum putant, quod in istis  
 ad substantiam corporis vitæ nostræ sustentandam sit necessa-  
 rius. De eo plura ap. D. Chemnit. c. 51. har. Eu. D. Meisn.  
 p. 2. P. S. f. 1. c. 2. q. 19. Casaubon. ex. 16. f. 39. Maldonatum.  
 Abulensem, Cor. à Lapide in c. 6. Matth. aliosq. vide.  
 6. Cur panis petitio spirituali bono, remissioni peccato-  
 rum petendæ, præponitur in Orat. Dominicâ? Matth. 6.  
 v. 11. 12. Luc. 11. v. 4. Non quod prius temporalia petenda,  
 quam spiritualia, contra Matth. 6. v. 33. Sed quia naturâ ad ex-  
 terna ferimur, ut illa nobis occasio ad spiritualia sint, & viam eo  
 fternant, ideo Deus sic collocat. Nos enim ex temporalibus sæpe  
 occasionem sumimus spiritualium bonorum magis desiderando-  
 rum, agnoscendorum, petendorum, assumendorum, predican-  
 dorum.

D



dorum. Sic Jacob. Gen. 24. v. 28. & Regulus Capernaëticus. Joh. 4. v. 53. Jäbetz. 1. Chron. 4. v. 10.

19. 7. Cur panis minùs coctus ponderosior est cocto? Quia humor copiosior intùs manet, qui in sufficiente coctione in substantiam absumitur, aut in exhalationem abit. Vnde pistorum avari in pane pondus quærentes humorem in eo non in totum absumunt, quò pondus panis adaugeant. 8. Cur panis calidi odore ad tempus vita prorogatur? De Democrito id notum est ex Laërt. l. 9. ubi epigramma habet: Quisnam tam sapiens vifus, qui tale patravit. Unquam, quale sciens omnia Democritus? Qui per tres tenuit præsentia fata dies, & illa recens cocti panis odore aluit. Melle vixisse tradit Athen. 2. diponos. c. 3. Quia nempe halitus copiosos & spiritus continet, qui per odorem attrahuntur, & sic spiritus corporis refocillare, vitamq; ad tempus conservare possunt. Vnde & alimentum spirituosum suppeditat panis. c. 17. 9. Cur panis calidus sitim excitat, cum tamen frigidus sit humidior? Vel quia plus humoris quidem habet, quàm frigidus, sed æreus, non aqueus, cujus magis proprium est sitim sedare: vel quia humorem quidem aqueum habet, sed actu & potestate calidum, qui vim desiccandi ex calore habet: Vel quia porositate ac raritate suâ succos ventriculi attrahit, ebibit & exsugit, & sic ariditatem ac consequenter sitim conciliat. 10. Cur panis calidus frigidus est suavior, sed insalubrior? Vel quia calore blando humor inrauentus evocatur è centro ad circumferentiam corporis, & sic facit suaviorem panem calidum, mediocriter enim humida sapidiora sunt sitis: Vel quia calor moderatus gustus acumen excitat, frigus infringit. Itaque factis per calorem lingua meatibus dulcedo panis intensius subit: Vel quia vitiosum panis humorem eliminat calor, facitq; ut ori & lingue adhaereat, & diutius in partibus gu-



bus gustus retineatur: Quae autem diutius detinentur, suavius gustantur, si convenientia sint. Insalubris autem est, quia lentosus adhuc ex calore & viscidus, adeoque lentore meatus oppilat, & morborum est causa, nec facile digestionem admittit. Unde dietetici prohibent panem calidum edere: Non Cereris calidum munus permittito mensa: Acri fermento sed bene congenitum. Conf. t. 16.

20. II. Cur panis calidus frigidus nigrior apparet? Quia calido inest humor aqueus, qui farina mistus aërem opacum reddit, & sic farina candorem imminuit, ac tenebrositatem velut & nigredinem quandam producit. Et licet per cocturam pars aqua absumatur, & sic albidior massa panis reddatur, quam cruda esset: adhuc tamen obscurior apparet panis calidus frigidus, quia aqueus vapor spongiosam materiam occupans & meatus adimplens candorem impedit, ne intus in poros lucere possit, obstruit enim poros, & madore lucem eò jacumbere volentem abstinet: sicque fuscus manet panis, & tenebrositas sua aqua velut nigredinem ei inducit, velut ignis partes rarefaciendo luciditatem & fulgorem corporibus conciliat. Sic panni madefacti fusciore sunt exsiccatis, ob humorem poros occupantem, & lucis ingressum impediens: Et massa triticea ligneo instrumento aut manuum labore bene malaxata pauciore aqua quantitate aspersa, longè candidiores apparent minus subactis & copiosiore aqua perfusis, quia illis substantia siccior & compactior: his foraminulentia magis & humore rigata. Vbi humor exhalavit ex aqua, meatus dehiscunt, & materia addensatur, sicque compacta in unum massa evadit albidior, quae spongiosior & porosa erat a spectu tenebrosior. Sic oleum recentius obscurius est vetusto, quia aquae humiditates admixtas habet, quibus exhalantibus oleum suae naturae redditur, & fit splendidius. 12. Cur panes frigidi madefacti



defecti non coherent, calidi a. & madefacti coherent. Quæstio de panibus nondum ad plenè duram consistentiam in furno percoctus est intelligenda, sed qui adhuc in paraturâ ad plenam cocturam sint. Causa est, quia cum calor aquæ ex frigidis evaporat, simul lentor & glutinositas aquæ calida exhalat, quæ medium est coherentia. Licet a. aqua denuo perfundantur, quia tamen illa glutinositate caret, & ambiente frigore jam crustula aliqua pani indurata est, coctio non sequitur. Calidus autem panis lentoris non parum abinccit, unde si aqua humedetur, cum calore vapor glutinosus egreditur, & se cum humore permiscens facit, ut panes inter se coherent.

21. 13. An Veteres calido pane sint usi? Omnino. Quod & Ratio & authoritas testatur. Ratio, 1. Quia calidus panis delicatior est frigido, c. 19. At delicatiorum Veteres & Græci & Romani maxime fuerunt appetentes, ut partim ex Plauti Comædiis, partim Athenæi libris, & Meursij. Româ luxurrante constat. 2. Quia aquam calidam Veteres in deliciis habebant. Vnde thermopolium Plauto, ubi calida aqua venibat, & thermopotare, calidam bibere, in Trinum a. 4. sc. 3. Satin in thermopolio condalium es oblitus, postquam thermopotasti guttorem. Vide quæ ex Ammiano, Lipsio, aliisq; ad hunc Plauti locum notavit Taubmannus. Turcis adhuc hodiè potionem aliquam horis matutinis in deliciis esse, quam (haube vocent, & calidam potent, in itinerario suo narrat D. Rauwolfius l. 1. c. 8. p. 103. Sicut è contrario apud Orientales sub æstivum tempus frigida pro delicatâ habetur, unde insignes specus pro servandâ glaciæ colunt, ubi eam per integram æstatem servant, & infrigidanda potioni aliis divendant. De quo idem Rauwolf. l. 2. c. 12. & Sal. Schweigger. in itin. Orient. l. 2. c. 38. videantur. Plinius jam de suo arvo l. 19. c. 4. Hi nives, ait, illi glaciem potant; poen asq;



poenasq; montium in voluptatem gula vertunt. Servatur  
 algor æstibus, excogitaturq; ut alienis mensibus nix alge-  
 at. Decoquunt alij aquas, mox & illas hyemant. *Eundem  
 morem in seclatur* Seneca l. 4. nat. qu. c. 13. Et Martialis de eo  
 in Xen. v. 17. Non potare nivem, sed aquam potare rigen-  
 tem De nive, commenta est ingeniosa sitis. Si calida aqua  
*Veteribus in delitiis, magis panem calidum fuisse credibile est,*  
*nam hic delicatior aqua.* Authoritas: Timocles apud Athenau-  
 um l. 3. c. 15. Calentem adhuc *ἔπιτρεν*, i. e. è furno panem comedi  
 admonitus. Antidotus apud eundem sumptos feruenter escha-  
 ritas eosq; evolutos vine dulci intingere ait. In quem locum  
 Casaubonus l. 3. animad: c. 25. Eschariten Rhodium sub si-  
 nem Cœna mensis calentem intulisse veteres ait, eumq; ex vino  
 passo comedisse, *Vt Antidoti versus doceant.* Istumq; panem cum  
 obelius Gallorum maxime convenire asserit. De Nasto pane vel  
 placenta Nicostratus ap. Athen. c. 1. Nastos albus, ait, eâ ma-  
 gnitudine fuit here, Crassitudo verò illius, ut supra canistrum a-  
 mineret. Operculo detracto sursum odor evolabat, ac vapor  
 melli quidem admistus subibat nares. Adhuc enim tùm calidus  
 fuit. Athenæus c. 1. c. 16. Syri panem huiusmodi, ait, (Cappa-  
 docium) Lachman vocant, in eâ regione ideò saluberrimum,  
 quod calidissim<sup>o</sup> edatur, alioquin farina flori similis. Hippoc:  
 l. 2. d. morbis panem frigidum interdum comedendum prescribit.  
*Quod precipere apus non fuisset, nisi cōsuendo calido vescendi fuisset.*  
*Velut nemo hodiè medicorū panē frigidū agriū prescribit, quod*  
*passim sine prescripto ille in usu obtineat.* Plutar. l. d. irac. vit. in-  
 ter errores, ob quos servis & uxoribus irascuntur homines, nume-  
 rat, si quid exustum, aut fumum redolens, vel si panem frigidio-  
 rem apponant. Quasi panem calidum mensa in primis requisitis-  
 sent. Cœlius Aurelianus l. 5. tard. passion. c. ult. cum de ra-



ione emaciandi pingua corpora agit, panem frigidum fermentatum dare praescribit, quod minus nutriens sit, illudq; magis, si veteratus fuerit. Quod argumento est, & tales panes in usu quotidiano Veteribus fuisse. In primis delicates panes velut tepido se oblectarunt: Refrigeratus nimumq; in veteratus vilioribus seruabatur. 14. Cur salitus panis levior est non salito, cum ex sale pondus habere deberet, ut qui terreum corpus & aqua gravius? Vel quia sal exsiccat, adstringit, dissolvit, superflua erodit, & sic desecatus corpus reddit, & consequenter validius putredini resistere facit. Absumpto autem superfluo humido panis fit levior & durabilior, ut non facile putrescat. Sic & panes pridiani leviores hodiernis & calentibus sunt, quia humor superfluous est absumptus. Non salitus gravior est, quia cum sal humidum aqueum non absumpserit, residet in eo, & sic gravior redditur: Vel quia sal adstrictione sua poros & meatus panis externos occludit, & sic extraneam humiditatem, quae alias immearet, repellit, unde immeante illa panis gravior evaderet. 15. Cur Sacerdotes Aegyptij panem salito abstinerunt, ut narrat Plutarch. l. 5. symp: q: 10? An ab omnibus delicijs abstinentum iudicaverunt? Est enim sal obsonium delicatum, & condimentorum sapidissimum? An quia castitati studere cogebantur, ne salis acredine irritati ad Venerem stimulantur, quam sal incendit? An quia salem sacrosanctum & Divinum habebant, eoq; ad civilem usitati esus usum transferre verebantur cum?

22. 16. Cur in Scotia optimus ac candidissimus datur panis, cum alias regio horridior & agrestis sit? Scaliger vix ullum ex tota Europa cum illo comparari posse ait, ex. 140. l. 1. & ex. 200. Vel qui a terra levis est, ideoq; & triticum levisimum producit, quod minus terra obrarritatem & levitatem ter-



*traretiinet: Vel quia gelidum solum & diuturnis nivib. operum,*  
*qua velut terra pelles sunt, calorem ejus foventes, eam q. ferment-*  
*antes, & fertilitatem promoventes. V. Scalig. com. in l. 2. d.*  
*plan. Theophra. c. 2. Vel quia hoc singulare, ratione soli & cæ-*  
*li, indulgit Deus Scotia, cum aliàs terra horrida, & in multis*  
*infrugifera sit, V. Lanf. or. c. Scot. Quomodo & alijs regio-*  
*nibus peculiare quid indulgere solet Deus. 17. Cur panis albis-*  
*simus lumbricos gignit? Vel quia multum dulcis est, & surfu-*  
*ribus caret, eoque abstergerendi vicaret, quæ ex surfuribus. Dulcia*  
*autem, quæ minimè detergant, generandis lumbricis aptissima*  
*sunt: Vel quia nimis plerumq. sumitur, quia palato gratus. Ni-*  
*mia autem cibi copia cruditatem, cruditas putredinem, putredo*  
*vermes progignit: Vel quia diu in ventre moratur, & sic ob sur-*  
*furum absentiam facile putrescit. Galenus in l. 6. epidem.*  
*com. 2. t. 7. panis impuro vermium generationem adscribit,*  
*quod crudum succum generet, & sic corruptelam facile inducat.*  
*18. Cur panis ater tenebras inducit? An id parasiticè tantum*  
*à Philoxeno Piernatopide dictum, qui atriorem panem inferri*  
*videns, ne mulum, inquit, apposueris, ne tenebras inducas. A-*  
*thenæ. l. 6. c. 5. Cupiebat enim delictiorem & album, ut pa-*  
*rasitus? Albus autem Veteribus in delitijs, ater in contemptu*  
*V. t. 29. An ater panis fæculentum & impurum sanguinem ge-*  
*nerat, unde Spirituum impuritas, & sic tenebricositas? An pa-*  
*rum alimenti & parcissimum sanguinem suppeditat, unde Spi-*  
*rituum inopia, & visus debilitas?*

23. 19. Cur panes Perdicaæ Macedonum Regis semper  
 in duplum creverunt alijs? *Historia ap. Herodotum in Vra-*  
*nia l. 8. est. Perdica pueri mercenarii unus ex Temenidis ap.*  
*Regem Leæarum, cum ovibus pascendis operam locasset, & uxor*  
*Regis cibaria coqueret, panis pro Perdica coctus semper in du-*  
plum



plum super ceteros excrevit, idq̄ semper ita evenit, quod Regina tandem marito indicavit. An prodigiosum id fuit, & signum Regia potestatis, quam obtinere debuit Perdiccas? Obtinuit n. proximum à Rege post obitum Alexandri locum, & ab Alexandro occultè successor sibi est destinatus. Curt. l. 10. c. 6. 10. Lærum n. plerumq̄ Auspices judicant & avergopitai, majora & auctiora videre. Sic quadriga fœdiles preparata in fastigium delubri Iovis Capitolini, quod in formæ crevissent, felix omen rebus Romanis portenderunt. Plin. l. 28. c. 2. Contrà triste ostentum est, si res solito minor, attenuatior & defectior sit. Sic apud Livium inter prodigia sortes Prænestina extenuata reperta narrantur, & pro malo omine acceptum. Sic 7. opima vacca lætum, macie defecta triste omen importabant. Genes. 41. v. 2. seq: An fermenti aliquid panib. suis admiscuit Perdiccas, insciâ reginâ, Cujus beneficio in majus excreverunt panes? Vel loco aqua lacte, pastam subagitavit, unde panis in majorem molem solet excrecere? 20. Cur panis facile frangitur, sive multum sive parum sit tritus ac subactus? Et sic idem effectus velut contrarium causari est? Quia parum subactus habet partes malè unitas ac colligatas, idè magis est friabilis, & dissolutus faciliore. Aut multum aquæ humoris retinuit, qui vehementiore subactione copiosius in halitus exhalare potuisset. Copioso ergo humore male cum particulis commisto disjuncta relinquuntur particulae, & sic post cocturam facile dissolvuntur, cum humida ad dissolutionem sint faciliora. Multum subactus panis exiguo constat humore, potior enim vehementi subactione exhalat, vel per coctionem absumitur: sic panis magis siccescit, & ob humoris inopiam facile cumrumpi contingit ac dispergi. Humor n. partes collectas tenens in sua multum est absumptus: in parum irrito malè commistus partibus est, idè parum eas connectit, & sic in utroq̄

ruptura

ruptura  
modice  
humor  
exsiccat  
rior red  
gratia a  
ras à tep  
sicq̄ &  
modera  
nas pari  
humido

24.  
jectus  
absump  
sunt, A  
riunt,  
vent,  
ferunt,  
lidiu  
Quia  
orificio  
nam &  
caci  
quor sol  
um illa  
celerem  
adhare  
ne aqu  
S. 77.  
vinum



*ruptura est facilis. 21. Cur panis assus fit durior, tepesfactus modicè humidior, & velut resudans? Quia in asso vi ignis humor extrahitur, & extractus absumitur, sicq̃ defectu humoris exsiccat: Et cum siccitas duritiem inducat, consequenter durior redditur: In modicè tepesfacto partes calore & siccitate contracte dilatantur, & quidquid humoris intrà relictum erat, foras à tepido calore meatu aperiente & attenuante attrahitur, sicq̃ & humidior & mollior panis redditur. Siccæ staneæ calori moderato expositæ emolliuntur, intus latente humido ad externas partes evocato: diutius in calore relictæ assumpto exsiccatog̃ humido duriores evadunt.*

*24. 22. Cur panis biscoctus minùs putredini est subjectus? Quia fortiore coctione humidum magnam partem est absumptum. Humor a. mater putredinis: sicca dissiliens putrescunt. Arist. s. 13. probl. q. 1. & siccissima putredinem non sentiunt, ut ignis. Vnde nauta longum iter destinantes bene cavent, ne humoris aliquid nimis panis nauticus quem secum deferunt, contineat. 23. Cur panis aquâ, aut vino intinctus validiùs sitim tollit, quàm vinum aut aqua solitariè sumpta? Quia cum panis corpulentius quid sit vino aut aquâ, diutius in orificio superiori ventriculi harere ac morari potest ob corpulentiam & lentorem, quem ex affusâ humiditate obtinuit, sicq̃ efficacius humectare, & consequenter sitim sedare potest, quàm liquor solitarius, qui ob tenuitatem ac lubricitatem levius orificium illud prætervehitur, facilius in partes diffunditur, minùsq̃ ob celerem transitum irrigat. Sed quod diutius orificio ventriculi adhæret, efficacius sitim absumit. Ita Augustus Caesar pro potione aquâ frigidâ perfusum panem sumebat. Sueton. in Aug. §. 77. 24. Cur panis vino tinctus faciliùs inebriat, quàm vinum solitariè sumptum? Vel Quia similiter panis diutius mo-*



ratur in stomacho ob corpulentiam, quàm nudus liquor, qui ob subtilitatem citò diffunditur. Sicq; panis ob moram plures & diuturniores fumos è vino in cerebrũ mittit, atq; ita validius inebriat solo vino assumpto: Vel quia panis partes magis vinosas attrahit, relictis equosis, quæ vino mistæ erant, sicq; fortiores fumos in cerebrum mittit, & consequenter facilius ebrietatem conciliat.

25. Cur panis sine alio cibo sumptus in ventriculo acescit? Vel quia substantiam lentam & pituita proximam producit: Vel Quia acor fermenti vehementiâ caloris in cocturâ acidum humorem inducit, qui pituita sapor est: Vel quia pituitosi & pravo humore oppleti stomachi ob debilem calorem panis temperamentum calidum & quodammodo biliosum superare nequeunt, unde aciditas oritur. Biliosi stomachi ob siccum & igneum calorem panem conficiunt, eoq; id non patiuntur.

25. 26. Quid panis per somnium edi visus notat? An nutrimenti defectum & tristitiam, ut vult Hippocr. l. d. In som. Vbi enim nutrimento indigemus, natura imaginem cibi in appetitu & phantasiâ excitat: & quia egemus, paucos spiritus habemus, qui animi demissionem faciunt? An in aegris & gulosis ob præteritorum memoriam talia somnia: aegri enim semper panem in hant, ut sanitatem recuperent: gulosi, ut galam impleant, cum cibos unice diligant. Quibus autem mens desixa, eorum imaginem per somnum reddit phantasia. Vnde ap. Theocritum Idyl. 25. piscator: In somniis omnis canis panes somniat: ego pisces. Et Claudian. præf. l. 3. d. rapit: Prof. Judicibus lites, aurigæ somnia currus, Vanaq; nocturnis meta cavetur aquis.

37. Cur, qui panis frustum grandiusculũ deglutiunt, singultu infestantur? Vel quia sicca & quodammodo biliosa natura est panis, eoq; grandiore frusto deglutitus vellicat orificium stomachi, & hoc vellicatum ad superiora velut regurgitare vult, sicq; singultus



gultus oritur. Sic Galenus de morbo ab acri humore ventriculi orificio convulsiones oriri tradit. Illis autem analogus est singultus: Vel quia singultus velut motus quidam convulsivus stomachi ejusve partium est, commune symptoma facultatis cum retentricis, cum ventriculus non naturaliter cibos complectitur, tum expultricis, cum ad ipsum primò motus expellendi primum pertinet. Virumq; in grandiore frusto panis contingere potest. Quò validius illud à se excutere queat, primum se dilatat, sicq; cibos velut averfatur, & non naturaliter complectitur: Deinde collectis velut viribus seipsum constringit, magnaq; sui compressione singultum edit. 28. Quid est in sacris ancilla ad molam? Exod. 11. v. 5. Matth. 24. v. 41. Vel mola trusatiles intelliguntur, quas qui versant, post illas stare oportet, ut Junius in h. l. Vel, quia tales apud Hebraeos in usu fuisse agrè probari potest, cum in mortariis & pistillis frumenta contunderent, Num. 11. v. 8. hicq; labor gravissimus esset, vilissima mancipia & incarceratos ad illum laborem adhibebant. Sic Simson molere cogitur. Judic. 16. v. 21. Unde pro vilissimo habetur, si in sacris ad molam aliquis dicatur. Quomodo & Exod. 12. v. 29. explicatur. Ita & pistrinum ap. Latinos, ubi farinam in pila, vase concauo, pinferent & contunderent. Et pro loco pleno fatigationis & negotij dicebatur. Sic Cicero l. 2. de Ora. § 53. Tibi Crasse, mecum in eodem pistrino vivendum erit. Conf. & l. 1. ep. ad Quint. frat. ep: 2. Quidam Simsonem molam trahere instar equi coactum fuisse ineptiunt. Quasi tales mola Iudais in usu, ac nobis, quas equos trahere oportuerit! Nec potius aut trusatiles habuissent, aut pistillis frumenta contudissent? V. Esai. 47. v. 2.

26. Satis de usu panis physico, & questus eum attinentibus. Usus Medicus est, quo vel in diatâ salubrior panis pro servandâ sanitate eligitur, vel in morbis medicamenta ex eo procurantur.



cuperandâ illa parantur. In diata qualis panis assumendus; the. 16. tactum fuit. In morbis varia medicamenta ex pane pro febricitantibus, syncopisantibus, phisicis, vomiturientibus, ructibus infestatis, calculosis, aliisq. sumuntur. Qualia ap. Ranzov. d. conf. val. c. 7. Avicennam fen. 12. tr. 2. c. 7. Hippocrat. 6. epid. f. 4. & Galen. com. in h l. Quercetan. in dietat. p. 3 c. 9. Pictorium dial. 3. d. bon. valet. aliosq. videantur. Ita Spiritus ex pane pro ematiatis, emplastrum ex pane pro ructibus, ligatorium ex eo pro debili stomacho paratur. Panis hic ipse, quo vivitur, innumeras penè continet Medicinas. Ex aquâ & oleo, aut rosaceo, mollis collectiones. Ex aquâ mulsâ duritias valdè mitigat. Datur & ex vino ad discutienda, quæ prestringi opus sit, & si magis etiamnum, ex aceto: adversus acutas pituita fluxiones, quas Græci rheumatismos vocant; item ad percussa & luxata. Ad omnia autem hæc fermentatus, qui vocatur autopyros, utilior. Illinitur & parenchymis & callo pedum in aceto. Ita Plinius de pane l. 22. c. 25. Et plura adjicit, quæ ibi vide. Panis triticeus in massam trochiscorum de viperâ assumitur, de quo Pharmacop. Augustanam p. 410. Consule. In Peste panis calidus in umbilicum infecti ponitur, & venenum extrahitur. Cadaveri super os ponitur, & contagij virtus infringitur, multumq. nociui vaporis se in panem insinuare creditur. Primum siliginis florem massa panaria, unde primum libum formari debet, mistum & in furno coctum contra incantationes & veneficia quidam præscribunt. Incertum, an cum efficace eventu, & fides penes præscribentes esto. Quæritur I. Cur syncopisantibus panis calidus vino odorato intinctus & naso admotus conducit? An quia fragrantia suâ Spiritus mirificè recreat, cor confortat, ac ad spiritus emittendos instigat? An quia naturale fulcimentum omnium virium corporis est, easq. instaurat. V. t. 17.



27. 2. Cur panis aquâ madidus febricitantib. datus appetitum restituit? Vel quia morâ suâ, quam in stomacho habet. V. t. 24. ardorem febrilem exstinguit, qui cibi appetentiam prosternebat: Vel quia propter aquam ichores biliosos subducit, & vapores malignos stomachum ferientes ac appetitum deficientes reprimat: Vel quia sanguinem in ventris tunicis contentum modicè cogit & cōstringit. Talia autē appetentiam procreare possunt. 3. Cur pane & vino febricitantibus oblato ardor febrilis vino non intenditur, sed minuitur? Vel quia calor vini panis substantiâ compactus non ita diffundi potest, ac in solo vino; sicq. calorem febrilem non intendit: Corpulentiore enim vehiculo cōstringitur, ne liberè dissipari queat. V. t. 24. Vel quia aliàs panis vino intinctus efficacius sitim sedat, ac solitarium vinum, t. 24. sicq. & in febricitantibus calorem exstinguit a labefactat magis, quàm intendit. Siccitatem n. absumit, in quâ calor efficacior est: humore diluitur, et est debilior. 4. Cur panis febricitantibus incommodus est? Vel quia multum & firmissimè nutrit, t. 17. febricitantes a. lentè restitui volunt, & parè, non abundanter: Vel quia lentoris aliquid obtinet, nisi corrigatur, ob quem stomacho difficulter concoquitur, & sic febrium putredinem facillè adjuvare potest. Vnde panem lotum administrare hic jubent Oribasius & Avicenna, sic n. parùm nutrire & refrigerare ajunt. V. Mercurial. l. 5. d. febr. c. 75. 5. Cur spiritus panis emaciat & copiosiore nutrimento egentibus convenit? Vel quia vim nutritivam ex pane multum in se habet, sicq. multum nutrire potest, quod in talibus requiritur: Vel quia ob subtiliorem naturam facilius per intimas partes ventriculi dispergitur, quod panis, ut crassioris substantiæ & compactionis ita facillè non facit: unde spiritus in debili stomacho plus & facilius assumptas partes instaurabit, quàm panis substan-



ita. In Phisicis quidam eum adhibent; sed successu parum optato. Adstringit enim, & pectoralia oppilat, quod in illis subjectis est perniciosum. Conf. t. 15. Mercurialis l. d. scorbuto c. 6. magis quintam essentiam panis cum aquâ rosaceâ cocti emaciatius commendat, quàm Spiritum panis vulgari modo expressum. Modum preparandi ibi prescribit. 6. Quid panis lotus in Medicinâ est? In morbis acutis Medici panem cum aquâ hordei lavare jubent ad eductionem salis & fermenti: nam panis non lotus in talibus est nocivus, & in apostematibus intrinsecis magis noxius, quia ad rupturam apostematis ante maturationem facit. V. Scholtz. aph. Med. l. 6. §. 37. Firmiter n. nutrit, & lentorem adjunctum habet. q. 4. Meminit Plin. l. 18. c. 11. panis cujusdam tenuis & spongiosâ inanitate, ac è Paribis inventi, quem aquaticum vocat, quoniam aquâ trahatur. Sed non est is panis lotus Medicorum. Aquaticus enim multâ aquâ elaboratus ante coctionem levis & spongiosus est redditus: lotus autem non est nova preparandi ratio ante cocturam, sed post eam, ubi totus panis jam coctus & absolutus est, jubetur lavari ad usum Medicum. 7. Cur in bulimo subitâ panis oblatione subita fit curatio? An quia firmissimè nutrit, & sic prohibet, ne bulimus infestet, & homo in deliquitum istud labatur? An quia in bulimo ante deliquium ventriculus fervidus est, & sic facile nutrimentum attrahit, coquit, ac resolvit, ut citâ partium instauratio sequatur? Post deliquium a. & in ea facultas coctrix valdè sit debilitata, ut non possit quidquam utilitatis ex oblato pane percipere. Unde negant Medici, in deliquio bulimi panem offerre: & post illud magis panem in vino aut jussulo, quàm solisarium prescribunt.

28. Sic & usus panis Medicus fit: Sequitur moralis & Logicus. Moralis Ethicus & Politicus est, quo vel virtutis virtutis moralis causa assumitur, vel in Politicum finem eum què

varium



varium destinatur. Pro temperantiâ assumitur, cum parè  
sumitur, non ultrà, quàm explendæ fami sufficit. Iuxta  
illud: Parcus vescendo, parcissimus esto bibendo.  
Et: Caseus & panis sunt optima fercula sanis. Quod pul-  
crè Horatius expressit l. 2. sa. 2. Cum sale panis latrantem sto-  
machum benè liniet. Non in caro nidore voluptas summa, sed  
in teipso est. Sic Antonius Eremita solo pane & aquâ vixit in  
deserto. Apoleph. p. 1. erquiè. p. 637. Eliam pane rosto & a-  
quâ per cornos DEus cibavit. 1. Reg. 19. v. 6. Veteres Græci, cum  
& laboriosi & temperantes essent, manè panem mero intinctum  
esistârunt, aliud nihil loco prandij. Ideò hoc dixerunt acratisma,  
quòd acraton sit merum. Plutarch. l. 8. conu. ferm. q. 6. Xau-  
rium ne pane quidem famem explevisse narrant Jesuitæ. Cor. a  
Lapide in Act. Apost. p. 23. b. Vlpius Marcellus Britannie  
præfectus Româ panem ad se exportari iussit, ne ob vetustatem  
nimium comederet. Camer. C. 2. c. 35. Juvenalis sa. 5. talem  
panem vix fractum & solide jam mucida frusta farina vocat,  
Quæ genuinum agitent, non admittentia morsum. Scriptura  
orare nos panem quotidianum jubet in Orat. Dom. ut demenso  
nostro, quod DEus suppeditat, contentos esse debere doceat. Hic  
cogitandum illud Germanorum: Siebt uns Gott unser Brode  
nicht mit Scheffeln voll/ So gibt ers doch mit Löffeln voll.  
Saturitas nimia peccatorum mater est. Deut. 32. v. 15. Hose. 13.  
v. 6. Et inter peccata Sodomæ saturitas numeratur. Ezech. 16. v.  
49. Pro liberalitate etiam panis assumi potest. Vt cum libera-  
luer in pauperes distribuitur. Sic Virgilius Augustum Casarem  
aut pistorem; aut pistoris filium conjectabat, quòd quadam prædi-  
centi identidem panes loco mercedis duplicari iussisset. Donat.  
in vit. Virg. Pro vitio morali assumitur panis, ut intemperan-  
tiâ, cum nimia, ac par est, quantitate in edendo assumitur, & vo-  
races inde dicimur, Sic Herodotes quidam Megarensis unâ cenâ



6. semodios panis, Milo Crotoniates 10. n. inas panum, Aglais mulier 4. semodios, Lityrsa Mida filius 3. clisellarum panem parvo die devoravit. V. Athenæ. l. 10. c. 1. 2. Vel cum rusticè & inverecundè panis assumitur, de quo t. 40. vide. In Politicum finem assumitur panis, Cum in vitâ civili vel ad facta varia, vel ad verba & signa adhibetur. Ad facta, ad strategemata Politica. Sic Gibeonita panem mucidum secum asportarunt, ut longi itineris praberent speciem, et internecionem Iosue, cui destinati erant, averterent. Josu. 9. v. 5. Sic Atanlius Capitolinus, cum à Gallis Senonibus obsideretur, panes ab Capitolio in hostes saculatus est, quasi copiosè annonâ instructus esset, cum eâ vel maximè destitueretur, Vt hosti spem inediâ arcem occupandi adimeret. Flor. l. 1. c. 13. Livius l. 5. c. 48. Interdum littera panibus incocta per hostilem exercitum ad alios missa sunt: Interdum cimelia aliave pretiosa panibus indita ad alios delata sunt. Interdum ad veri attestationem panis adhibitus. Sic Polydorus l. 8. refert, Godeuinum aliquem, cum falsum assereret, Hic panis, dixisse, me suffocet, si mentior, Et panis frusto, quod comedit, suffocatus est. Nouarin. l. 1. elect. sacr. c. 4. n. 255. Quandoq; ad arrificia panes adhibentur. Sic panem in clibano salientem quidam facere jubent, si nux ex vino sulphure, sale petra & hydragyro oppleta ei indatur diligenter clausa, ubi calefactum in clibano panem solitum dicunt. V. Mizald: C. 6. mem. §. 36. Sic alij canem retineri dicunt, ne aufugiat si panem sub axillis sudore perfusum cani deuorandum proficiamus. Hildebra: l. 2. Mag. Nat. c. 23. Alij ad pisces congregandos pane vel massa ejus utuntur, cuius frustis piscina injectis frequentes eos aggregari credunt. Alij ad furem explorandum panem subcineritium, cui pulvis ex lapide acrite incoctus sit, adhibere jubent, Cujus pramansum bolum furem non deglutire posse ajunt. Mizald.



**C. 7. §. 90.** Sed hic potius abusus panis, quam usus est. Alij ad sagittandum panes proponunt. Sic pueri Balceares panes in sublime positos sagittis petere consueverunt, ut vescerentur. Non enim alium cibum illis contingere licebat, nisi quem destinato ex fundâ lapide percussissent. Vegetius l. 1. c. 16. Alij, cum Reges Principesq; essent, panem, quem comederunt, sibi ipsis pararent. Sic Pittacus Mitylenæus Rex pistrinum versans farinam & panem, quo vesceretur, sibi ipse paravit. Isiod. Pelusiota l. 1. ep. 470.

29. Ad verba panis adhibetur, Cum varij loquendi modi, paræmiæ, proverbialia, ænigmata, denominata, & similia à pane sumuntur. Qualia & apud Hebræos, & Græcos, & Latinos, & Germanos, usitata. Sic panem album alicui pinserere, proverbium in eos est, qui magnas rerum spes & ampullas projiciunt. Erat enim panis albus apud Græcos in delitijs, ut Lucianus testatur. Juvenal. sa. 5. Sed tener & niveus, molliq; sigilligne factus servatur Domino. Nigros fuscosq; panes vorare dicebantur egeni, qui delitijs minimè sucti erant. Et Græci panes viliores φαῖς s. fuscos appellabant. Sic apud Terentium in Eunucho: a. 5. c. 4. Quo pacto ex jure hesterni panem atrum vorant. Lipsius Cen. 2. ep. 15. de atro pane Westphalorum a. finitima gentis Plinium intellexisse putat, cum miseram gentem dixit, quæ terram suam voraret. Apud Plautum in Asin. a. 1. f. 2. sordidus panis vocatur. Sordido vitam oblectabat panem. Juvenal. c. 1. caninum vocat. Possis honestius illic Et iremere, & sordes farris mordere canini. Id est, ad eò vilis, ut superfuso juscule canibus præberi mereatur. Apud Athenæum panes mucore sordentes præduratosq; mensa illatos facetissimè ἀσθεν σνῆδς, panum umbras quidam vocat. Notante Heidefeldio c. 21. sphing. Post panes etiam bona maza est Ἀγα- ἡ βρεῖ μάζα καὶ ἀσθεν, proverbium in eos est, qui penuriâ co-



acti etiam deteriora post meliora amplecti coguntur. *Maza* pane deterior est, & quæ vicem ejus rusticis implet. Sed in convivij primùm mazam, post panem apponi solitum Athenæus l. 6. docet. Pane a. consumpto probabatur & maza. Panem ne frangito, Pythagora inter proverbia fuit, quo vel vitam hominis non distrahendam & consumendam indicavit, quomodo panis in vite subsidium consumi solet: vel amicitias proborum non dissolvendas esse notavit, velut panis è multis granis collectus coheret: Vel harmoniam rebus omnibus infusam indicavit, quæ dissipanda non sit, ne virtus rerum dissipetur. Nam per harmoniam omnia constare sensu. Laërt. l. 8. in Pyth. Vel ob animarum transmigrationem non in animalibus tantum sed & aliis viventibus contingentem, id dixisse credendum, quia animam in panem usque migrare posse credidit, crudele habuit, panem fractione discerpere, cum citra eam comedi queat, ac in nobilius corpus, edentis, immigrare. Vel frusto panis, sc. incinctes, in eum, quem Levi viliq. re ad aliquid impellas. Metaphora ducta vel à canibus, quos frusto panis inuitamus: vel à mendicis. Panem lapidosum Fabius Verrucosus beneficium ab aspero homine datum proverbialiter dixit, velut quem esurienti accipere quidem necessum sit, sed comedere incommodum. Seneca 2. d. benef. c. 7.

30. Prius panis, quàm clasfis, Vel prior panis est pro-ra, in eos dictum, qui præposterè de minus necessarijs prius cogitant, quàm magis necessarijs: velut qui prius de instruendâ classee, quàm annonâ parandâ cogitent. Vix panem habet in perâ, in pauperculos dicitur, quibus adeò curia supellex, ut vix sedande fami sufficiat. Panem & pugnum porrigere in illos competit, qui moderatis nolint esse contenti: Vel ubi bonâ fortunâ expectatâ contraria fors obvenit. Unâ manu panem, alterâ lapidem ostendere, in eos est, qui contraria & inconsi-

ste. n.



48  
 Presentia promittunt aut agunt. Sunt n. panis & lapis valde in-  
 consistentia, t. 32. Non de pane lucrando esse in id dicitur,  
 quod parum lucri a. commodi importat, das nicht viel in die  
 Küche bringet. Pane & aqua alicui interdicere est regione  
 amovere, & media vi veda denegare, velut aqua & igni interdi-  
 cere Sic in regione & sedus admittere erat panem cum aliquo libare,  
 t. 30. Interdum panum cereorum apud Medicos est mēto, v. Grat. d. mē.  
 art. c. 7. Interdum Panes aeris vel arei apud Latinos adducun-  
 tur, qui quid sint, quæri possit? Plinius l. 34. c. 11. Aeris  
 flos are fuso sit, & in alias fornaces translato. Ibi flatu  
 crebriore excutuntur velut milij squamæ, quas florem  
 vocant. Cadunt a. cum panes aeris aqua refrigerantur  
 rubentq; . Est a. squama hæc decussa. vi clavis, per quos  
 pares arei ferruminantur. Differentia hæc est, quod  
 squama excutitur ictibus isdem panibus, flos cadit sponte.  
 Quid Plinius velit, obscurum est, & lectio corrupta esse vide-  
 tur. Quid n. squama vi clavis decussa, per quos panes arei  
 ferruminantur? Potius, in quos p. a. f. Sic l. 36. c. 26. Vitrum  
 sulphuri concocum in lapidem ferruminatur. Hoc vult, squa-  
 mam vel pusulam instar milij in are efflorescere, (sic n. Græci  
 αἶδος per tropum dicunt, quidquid in summo efflorescit & emi-  
 cat: Quanquam in milio potius siliquæ, purgamenta, folliculi,  
 apluda, glutina frugum, unde granum non excutitur, nisi tur-  
 datur,) cum aeris panes aqua refrigerantur. Vi autem clavis decussam  
 squamam, & panes areos in clavos, id est, regulas, ferruminari.  
 Nempe, omne æs primum funditur, deinde ducitur. Olim cum  
 funderetur, in massas panibus similes formabatur, quod & ho-  
 die fit. Eas Græci ποῦξες, Latini panes dixerunt. Panes isti  
 aeris fusili in alias fornaces transferebantur, ibiq; multo igne  
 & crebro flatu mollebantur, ut æs ductile fieret, quod postea mal-  
 leis in regulas ducebatur, quod æs regulare vocabant. Regulas



istas Plinius clavos interpretatur, in quos panes aris, id est, massa ista aenea ferruminarentur, h. e. stringerentur & indurarentur in regulas aris ductilis. Fusum as malleis fragile esse solet: sed ductile malleis obsequitur, nec frangi potest. Hac est aris ferruminatio, i. e. induratio. Ferrumen aciem ferri induritam glosa vocarunt, alias glutinem ferri vocant, quo ferro jungitur. Apud nostros Iustitores, cum massa de arugine venduntur, Grüns pân, adhuc hodie panes aruginis vocant, ein Qrod Grüns pân/ ad veteris Latinorum in arc appellationis imitationem. Logicus panis usus est, cum in ratiocinando, discurrendo, vel exemplis Logicus à panis termino quadam imitacionem. Sic Ramistar, ut predicabilium numerum oppugnent, à pane exemplum sumere solent. Panis constat ex farina, vel sit ex farinâ, negant ad predicabilia referri posse, & sic angustiora iusto ea esse inferunt. Cum materia de materialiato hic, non genus, spec. diff. prop. aut accid. de subiecto predicetur. V. Sluterum l. 3. Synchr. Log. c. 3, t. 44. 51. 52. similia Becmannus l. 1, comp. Log. c. 3. alijq; habent. Quid his reponi queat, ex d. 3. Gymn. Log. t. 24. patere potest. Ex farinâ pistum esse vel constare, ex variis complexum, eog. non predicamentale est. Predicabilia a. notiones simplices esse debent, & rerum predicamentorum, non ex varijs nimis complexa. Habet Logicus & terminos complexos à predicabilib, distinctos. Ad hos hac & similia predicata resolvendo redigere poterit, non ad predicabilia universa referre necesse habebit.

31. In sacris etiam Enuntiata de pane proverbij vel similitudinis quid habentia occurrunt. Panis sine sale ex Ezech. 13. allegatur ab Erasmo in adag. in eos dictum, quorum doctrina vera est, sed vita impura. & mores à professione discordant. Sine sale panis insipidus: Ita sine moribus vana Theologi doctrina. Panem filiorum tollere & canibus projicere, Matth. 15:



v: 26. est dignis debita adimere, indignis tribuere. Sicut panem aliquid devorare, Num. 14. v. 9. facilitatis nota est, quomodo facile sine magno labore frustum panis absumitur: sic Iudaei hostes absumpturos confidunt. Similiter ut Latinus dicit: *Vulpes pyrum comest*, facilitatem rei notando. Sic Psal. 14. v. 4. *Impij comedunt populum Dei, quasi panem comederent*, h. e. velut rem facilem & non magni pretij consumunt, perdunt, subigunt. Panem suum super aquam mittere Eccles. 11. v. 1. in eos dicitur, qui beneficia non in gratos solum & propinquè suos, sed & ingratos, disertos, & inopes, qui nequeant rependere, conferunt. V. Sirac. 29. v. 15. Quamquam varijs alijs explanationibus phrasís subjacet, quas apud Pinedam in h. l. Vide. Vel sensus est: Frumentum tuum ad aquas sparge, id est, memento, te Dei agricolam esse, ut omnibus beneficias. Certus, Iehova benedictione irrigari, quod ita scribitur, *Velut semen irriguis locis consitum benedicente Deo latissime provenit*. Quomodo phrasís, ad aquas seminare, Esai. 32. v. 20. occurrit, & sensus dicti Prov. 19. v. 17. Esai 58. v. 7. & seq. explicatur. Panem super sepulchram iusti constituere, Tob. 4. v. 12. est eleemosynas & beneficia iustis in sepulchris distribuere, & epulum in solatium viuorum instruere. Papistæ purgatorium ignem hinc succendere volunt, ut ap. Bellarm. l. 1. d. purgat. c. 3. Costerum in enchirid. d. purg. pro 7. Salmeronem, Pelranum, Thyraum: aliosq; videre est. Sed præterquam quod liber extra Canonicam auctoritatem positus est, nulla purgatorij aut Orationis pro defunctis hic mentio. Solebant Iudaei in funeribus convenire, cibos secum ferre, & cum superstitiis in domo solatij causâ comedere. Ita pios convivio excipi, & caritatis officia in eos exerceri iubet. Ac convivia hæc solaria viuorum inter benè in religione doctos fuerunt, non ad iumenta mortuorum. Nec in sepulchris pur-



gandorum tantum hac convivium instructa, q. pro animâ purgandi suffragia comparanda essent, quorsum Papista detorquebat: sed in genere iustorum, in quib. & illi, qui ut Sancti rectâ in cælum recipiuntur, non purgatorium primum detruduntur. V. Ezech. 24. v. 22. Cinerem tanquam panem comedere Psal. 102. v. 10. in summè miseros & de peccatis dolentes competit, quibus omnis voluptas in dolorem versa, ut & cibus delicatus, gratus, jucundus aliâs, velut insipidus factus sit, quasi cinerem comederent, qui insulsissimi saporis, Vt nulla re solatium aut levamen ipsos invenire intelligatur. Panem in regno Dei comedere, Luc. 14. v. 15. est vitâ aternâ ejusq. beneficijs & delictis frui. Saturos vel repletos pro pane se locare 1. Sam. 2. v. 5. est eos, qui in copiâ & abundantia rerum omnium vixerunt, in tantam egestatem precipitari, ut sedanda famis gratiâ mercede se conduci ad operas patiantur, quò necessarijs alimentis fruantur. Exemplum amplificat ab Hannâ Dei omnipotentia, quò ex robustis infirmos, infirmis robustos, divitibus inopes, & securis perditos conciliare possit. Luc. 1. v. 53. Sic Gibeonita in terrâ affluentissimâ degentes, ut vitam servarent, Iosua in operarios & lignarios se locare coacti sunt. Jos. 9. v. 21. seq. Pro tortâ panis aliquem adorare, 1. Sam. 2. v. 36. periphrasis extrema paupertatis & sordium est, qualia filiis posterisq. Eli minatur Deus, ut iam inopes & sordidi illi futuri sint, ut summum Pontificem veneraturi sint non honoris gratia, ut divites & potentes solent: Sed ventris & victus, ut pro quotidiano & sordido victu servituri sint, cumq. precibus emendicaturi, quo buccellâ saltem panis famem sedare & inopiam arcere queant. Vnde buccellam panis comedere in fine versus dicitur, pro tenui ac sordido victu vitam sustentare. Ita Deus totâ familia Eli iratus ignominia contemptissimâ & inopiâ sordidissimâ obsecor-

dem

dem  
lapid  
dare  
nes per  
tanqu  
ner. l.  
Christ  
ad Du  
verbu  
porrig  
olog.  
bras  
it; Vn  
datur,  
Christi  
Et ha  
tim a f  
mus pas  
Luc. 2.  
ibi ex  
rus, &  
33-35. 4  
mui cu  
Academ  
cum his  
plurima  
32. G  
vi. Cin  
boni  
essen ob  
desur.



dem Patris indulgentiam afficere eam decrevit. Pro pane lapidem porrigere, Luc. II. v. II. aliena & impertinentia dare est, negatis necessarijs. Sic apud Papistas, cum homines petunt scripturam, tanquam panem, dari illis traditionem tanquam lapidem aut serpentem, ait Amesius T. I. Bell. c. ner. l. I. c. 6. §. 17. quod patres erga filios suos facturos neque Christus Matth. 7. v. 9. 10. Sic Theologi Jenenses in respons. ad Duræum eos, qui caritatem simulant, & affectu iræ astuente verbum panem ostendere & amorem prae se ferre, facto lapidem porrigere & hostilem animum prodere ajunt. V. Judic. Theolog. d. pace Eccles. p. 113. Denominatum à pane apud Hebraeos Bethlechem Urbs est, dicta q. domus panis. Et duplex fuit; Una in tribu Zebulon, Ios. 19. v. 15. & ut quibusdam videtur, Judic. 12. v. 8. Altera in tribu Iuda, unde David & Christus orti, 1. Sam. 17. v. 12. Mich. 5. v. 2. Matth. 2. v. 1. Et haec frequentius in sacris intelligitur. Nomen habuit partim à fertilitate agri & loci circumiecti, ubi sita fuit, qui optimus pascuis abundavit, in quibus greges aluerunt, Gen. 35. v. 21. Luc. 2. v. 8. Partim, quod mysticus ille panis caelestis, Christus, ibi ex Virgine nasciturus esset, qui verus panis spiritualis futurus, & credentibus vitam aeternam daturus esset. Joh. 6. v. 33. 35. 48. seq. Per abusum denominatio ejusdem Urbis Domui cuidam in Academia aliquà cecidit, quam cum Oeconomus Academia strueret, per noctem titulum Betlechem, Panisburg, cum his versibus adscripserunt: Quis struit has aedes? Qui plurima millia panis Abstulit è mensis, plebs studiosa, tuis. 32. Germani similiter varias de pane phrasas sumpserunt. Vi. Einem zum Brod helfen/ Einem vom Brod abheffen/ vom Brod abrichten. Das kurze Brod eim geben. Böß essen ohn Brod. Non bene prandetur, cum panis abesse videtur. Brod erhelt denn Menschen. Quando decet panis, cibum est.



*huius est tunc omnis inanis.* Ein Herz sol daran haben frewd/  
sein Brod zuessen mit Dankbarkeit. *Sit cordis festum, pa-*  
*nem memnisse comestum.* Einem das Brod vor dem maul  
wegschneiden. Umbs Brod gehen. Wie Brod man es  
sen thut/ des Lied man singen muß. *Cujus panem comese*  
*velis, ejus nutus observes oportet.* In eines Brod seyn. Deß  
Brodkorb hoch hangen. Brod in die Milch zubrocken ha-  
ben. *Habere, unde servum excoquas.* Weißbrod ist besser  
den schwarz/ je weisser/ je lieber. Man muß sich mit Brod  
behelffen/ biß man Fleisch bekumpt. Wo nicht Geld vnd  
Gut ist/ da ist sorg der Nahrung das täglich Brod im Hau-  
se. Ein Duben gebühret ein stück Brod; Ein Manne ein  
Weib. *Savre äpfel* / so die älttern gessen/ verschlagen offe  
den Kindern die Zähne also/ daß sie das Brod in der Sup-  
pen nicht mehr beißen können. Es heist/ wer nicht arbei-  
ten wil/ der las das Brod auch liegen still. *Non dignus ci-*  
*bo est, qui vult vitare laborem.* Dß ist so gut/ als das liebe  
Brod. Die Noth suchet Brod/ vel Kunst gehet nach  
Brod. *Quod deridicule vanitatis proverbium esse ait Gu-*  
*kius præf. epitom. Logic. & brevi in hoc mutandum.* Brod  
geheth nach Kunst/ vnd findet ihr nitht. *Aded rara faces so-*  
*lide eruditi hodie sunt, & sæpè Musis suis in orbe pauciores, ut*  
*Barclajus l. 1. Argen. c. 41. loquitur.* Et qua similia esse  
possunt.

33. Signa, cum à pane diversa signa notaq; apud di-  
versas gentes sunt sumptæ. *Apud Macedones panis sanctis-*  
*simum coeuntium pignus erat, quem gladio divisum sponsus &*  
*sponsa nuptiarum die libabent.* Curti. l. 8. c. 4. Vel, quia par-  
co & parabili victu ostendere voluerunt iungentibus opes, quan-  
tulo contenti esse deberent: Vel quia rixas fugiendas esse no-  
târunt, quæ amicitiâ sponsorum, ut gladius panem, dissolve-  
re possint,



re possint. Romulus in communione panis & aquæ matrimonij  
fædus inisse traditur. Alex. ab Alexand. l. 2. c. 5. Apud  
Moschos amicitia signum est panis, & sal appositus. Pane gra-  
tiam, sale amorem notant. Ita incola Pskovienses tyrannidem  
Basilidis sale & pane ante domos positus, ad ea comedenda invi-  
tantes, lenire voluerunt, quos alias internecioni destinârat Ty-  
rannus. Guagnin. descri. Moscov. c. 5. p. 98. Et dux Mos-  
corum eo maximè benevolentiam testatur, si panem & sale no-  
è mentâ suâ alicui miserit. Ita Sigismundum Baronem Her-  
bersteinium, Legatum Casarium, humanissimè ad prandium  
invitavit, dicendo: Sigismunde, comedes salem & panem no-  
biscum, ut in histor. Moscov. ipse notat. In faderib. sancien-  
dis præci panem, carnes immolatas, salem, vinum, similiaq;  
invicem libabant. Alexand. ab Alexandro c. 1. lib. 5. c. 3.  
Ab Orientalibus omnib. Occidentalibus multis id hodieq; serva-  
ri tradit Arias Montanus. Unde & Jos. 9. v. 14. Israelitas  
panes & cibaria à Gibeonitis sumpsisse putat, quod fædus cum  
illis inirent. In Hiberniâ quoq; maxima benevolentia signa in  
pane dividendo ac unâ edendo, cerevisiaq; bibendâ poni se ex-  
pertum narrat. Conf. Serar. in c. 9. 10f. q. 6. Apud Egypti-  
os pane picto hieroglyphicè notata est omnia esca, & totius nu-  
tritionis symbolum, quod universa alendi vis velut in pane con-  
sistat. Conf. Vallesium d. sac. Phil. c. 27. Mystica panis sig-  
nificata in panibus propositionis & mannâ Israelitarum habe-  
mus, de quib. lect. 2. t. 10. 18. aliquid adducetur. In Euchari-  
stia panis distribuitur notat & unionem fidelium inter se, quo-  
modo unum corpus dicitur, quia de uno pane participamus, I.  
Cor. 10. v. 17. quâ ex multis granis in unum redactis constat: &  
unionem Christi cum Ecclesiâ, quâ ex farinâ & aquâ constat,  
ut Cyprianus l. 2. ep. 3. ad Cæciliam notat. Apud Theologos  
panis etiam Verbi Dei signum est, quod anima panis est, eam



nutriens, confortans, illuminans, ut ex Germano Constantino-  
politano, Eucherio, Vgone Carenfi, alijsq; deducit Novarinus l.  
1. elect. Sacr. c. 4. §. 252. seq. De hoc lect. 2. t. 16. 17. vide.  
Etiam Ecclesia signum esse dicitur, quod ut per aquam ex multis  
granis unus panis fit: Sic ex multis hominib; per aquam baptis-  
mi & sp. s. unus populus Dei in Ecclesiâ fiat. V. Cyprianum l.  
1. ep. 6. ad Magnum, Bellarm. l. 3. d. Eccl. mil. c. 9.

34. Sic usus Ethicus panis & Politicus quoq; fuerit: Suc-  
cedat Theologicus, qui is, cum in verâ agnitione DEI panis  
assumitur, aut rebus divinis adhibetur. In agnitione DEI,  
cum benedicimus panis & cibis assumendus, & assumptis illis Deo  
grates agimus. 1. Tim. 4. v. 3. Syrac. 32. v. 17. Vi commone-  
fiamus, in Christo jus ad capessendos cibos nobis restitutum, quod  
in lapsu Adami erat deperditum. Et à Deo alimenta nobis pra-  
beri, ac in usu eorum ab usum vitandum esse sciamus, simulq;  
mentem ad spirituale cibum elevemus. Joh. 6. v. 27. I. ut  
14. v. 15. Rebus divinis adhibetur, vel apparentibus, vel ve-  
ris. Apparentibus, quæ pro divinis habentur, cum non sint.  
Huc usus panis in sacrificijs gentilium pertinet, quæ ipsi in cul-  
tum Dei ordinaverunt, cum eò reverâ non pertinerent. Ita Ro-  
mani farre & molâ tostâ Dijs suis libabant, & farrus sacrificium  
vetustissimum. V. t. 14. Vnde Virg. ec. 8. Sparge molam  
& fragiles incende bitumine lauros. Virgines Vestales tres  
maxima hordeam torrefactum frictum vè pinsunt, molunt, mo-  
litum condunt; eòq; farre ter in anno molam faciunt, Lupercalibus,  
Vestalibus, & Idibus Septembribus, adjecto sale cocto &  
duro. Vnde mola casta, pia, falsa, dicitur. V. Taubm. in  
h. l. Virg. Sic Virgilius 5. Æn. v. 745. de Æneâ: Canæ pe-  
netralia Vestæ Farre pio & plenâ supplex veneratur acer-  
râ. Cur Vestam farre venerati sint veteres, multis disputatur.  
V. Taubm. in h. l. Huc etiam pertinet, cum ad omina &

divi-



53

divinationes panem ejusq; accidentia rapuerunt gentiles. Ita  
 obsidente Tyrum Alexandro, cum apud Macedones panem qui-  
 dam militum frangeret, manantis sanguinis guttas notaverunt.  
 Territo Rege Aristander peritissimus vatum respondit, si ex-  
 trinsecus cruor fluxisset, Macedonibus id triste futurum. Con-  
 trā, cum ab interiore parte manaverit, urbi, quā obsidere de-  
 stinasent, exitum portendere. Curtius l. 4. c. 2. Similiter  
 Sylla temporibus excisos panes manentis sanguinis guttas fudisse  
 in exemplis est, & futurarum cedium fusiq; sanguinis signum  
 aestimatum fuit. Alex. ab Alexandro l. 2. c. 31. Huc etiam  
 referri queat, cum variis benedictionib. ad effectus supernatu-  
 rales cōciliādos consecratur panis, ut apud Papistas fit. V. Bellar.  
 l. 3. de cult. sanct. c. 7. Veris, cum rebus verē divinis panis  
 usus adhibetur. Hocq; vel sub veteri, vel novo Dei fœdere.  
 Sub veteri Deus sacrificia ex panibus & placentis offerri jussit.  
 quæ תנחום Dona seu donativa appellantur, & Lev. 2.  
 quinq; speciebus distinguuntur. Vel erat farina similia cum oleo  
 & ihure, v. 1. vel placenta similaginea azyma oleo uncta & in  
 libano cocta, v. 4. vel cocta in sartagine, & in partes fracta  
 superfuso oleo. v. 5. 6. vel similia azyma in crate & oleo  
 tosta, v. 7. vel primitiæ spicarum tostorum & contusa-  
 rum, oleo & ihure adjectis, v. 14. 15. Sexta species Num.  
 5. v. 15. in sacrificio Zelotypia additur, ex farinā hordeacea si-  
 ne oleo & ihure appositus. Alia species in sacrificiis imitativa  
 & consecrativa adjicitur, cum imitandi essent sacerdotes, &  
 præscribitur Exod. 29. v. 1. 2. 27. 24. seq. Pro panes azymos;  
 crustulas sine fermento, & lagana azyma de simila triticeā of-  
 ferri, ac in holocaustum incendi jubetur. Alia species in Eu-  
 charisticis & libativis sacrificiis describitur, ubi placenta azy-  
 ma comedi, & in sacrificium incendi jubentur. Lev. 6. v. 16.  
 17. c. 7. v. 12. 13. Etiam primitias frugum novosq; panes offerri  
 præcipitur, priusquam de panibus istius anni comederent Iudei.



Leu. 23. v. 14. 17. Vnde Pentecoste festum nouorum panum dicitur. & panes propositionis ita tunc mutari solitos tra dūi Rabbi-  
ni, ut ex novis frugibus fierent. Similiter panes propo-  
sitionis perpetuò ante se in tentorio sacra mensa superjacere iussit  
Deus, de quibus s. 2. t. 18. videbitur. An & Melchisedecus  
Rex Salem panem & vinum in sacrificium obtulerit. Gen. 14.  
v. 18. quòd fer vidè propugnant Pontificij, ut missaticum inde  
sacrificiū stabiliant, alio loco fortè commodè disceptari poterit.

35. Sub Novo Testam. panem in usum Cœna Domini  
ex adhibere iussit Christus, ut esset communicatio corporis sui,  
& memoriale mortis pro nobis late. De quo ci. l. t. 25. seq. am-  
plius dispicietur. Etiam miraculosis cibationibus aliquo-  
ties panem illustrem in N. T. reddidit Christus. Ita 4000. ho-  
mines & ultra, in manie Galil. a septem panibus saturavit, s. p-  
temq. cophinos fragmentorum saturatis superesse fecit. Matth.  
15. v. 37. 38. Marc 8 v. 8 9. Alia vice s. panibus 5000. ciba-  
vit, & 12. cophinos pro restantibus dedit. Marc. 6. v. 41. Joh.  
6. v. 11. 12. Ex his miraculis nonnulli qui pro duplici & con-  
trariâ veritate, Philosophicâ & Theologicâ, furiosè olim depug-  
naverunt, inter cœtera colligere voluerunt, everti omnino à  
Theologiâ Naturæ principia, & quæ veritate ejus nitantur.  
Hic enim immorè asseri: Totum esse majus suâ parte. Septem  
autem panes, item quinq. habuisse se pro toto: septem autem  
& 12. cophinos fragmentorum pro partibus. Has autem par-  
tes & fragmenta longè majora fuisse panibus, ut totis. Ita par-  
tes majores toto, totum minus partibus fuisse: Cujus oppositum  
universa proclamat Natura. Sed ignorârunt viriliteratores,  
quid contenderint. Necesse est, totum cum suis partibus,  
partesq. cum suo toto conferri, non alienis. Ita æterna  
veritatis perstabit principium, & in Naturâ, & in Theologiâ.  
Panem 7. & 5. erant pro toto, corbes 7. & 12. pro partibus: sed



55.  
non absolute & simpliciter: Verimus panes miraculoso Dei  
incremento adaucti fuerunt. Ita panes mirabili Dei benedi-  
ctione auctos cum micarum corbibus ex eadem benedictione pro-  
deuntibus conferre apertum reddet, panes ita auctos longè ma-  
iores fuisse micis, ut partibus suis, & micas ex panibus auctis  
collectas longè minores panibus, ut totis suis fuisse. Et persta-  
bit veritas Natura principio, quod totum majus suâ parte,  
non alienâ aut per singularem benedictionem auctâ, esse educta.  
Etiâ alia miracula sub N.T. pane esse perfecta alij tradunt. Hila-  
rion ap. Hieronymum pane & oleo benedicto plurimos curasse  
scribitur. V. Bellarm. l. 3. d. cult. sanctor. c. 7. Si tamen certa  
hoc veritatis, quod quidem c. l. contendit Bellarm. Sed super-  
stitio istorum seculorum multa ex vanis pro veris admisit.

36. Vfus mechanicus panis est, quo legitimus modus pa-  
rari, pondus & qualitas ejus explorare, & frumenti ad panis  
quantitatem proportio indagari docetur. Hac vel ad pistores  
panumq; coctores, vel panum coctorum exploratores pertinent.  
Pistorum est, naturam tritici, siliginis, frugum, unde panes pa-  
rare velint, probè cognitam habere, quo solo provenerint, pin-  
guinè, an sterili, sicco, humido, an perflato? Planè enim vicia  
soli secum trahunt fruges. Et id curabunt, ne fruges statim ex  
arèa ad molam mittant: sed prius in loco alio perflatoq; ad tem-  
pus reservent, ut excrementum humor exsuctur. Recens enim  
commoluta fruges plusculum quidem farinam & modicam  
exhibent. Diutius aservata sicciorè farinam & modicam  
exhibent. Præterea excrementis fruges repurgare debent,  
prius quàm ad molas mittant, ut pulvere, loligine, nigellâ, ali-  
jsq; & mundatas demùm moletrinis committere. Etiam mo-  
larum discrimen est observandum, Varia enim illa penes duri-  
tiem, soliditatem, & colorem lapidum molarum. Optima,  
quæ ex durissimo lapide constant. Molliores eroduntur & atce-



runtur; semperq; calculos rotando relinquunt, qui farina mōsti  
gratiam & salubritatem pani adimunt, & dentibus admodum  
nocivum eum reddunt. Et illud aduertendum, quā vi morrice  
impellantur mola. Alia vivis aquis in motum aguntur: alia  
per rotas pensiles vi Aeolicā vel ventorum statibus agitantur.  
Priorum farina melior habetur, quā posteriorum, quia agi-  
tatio semper equalis ac panē uniformis est per aquam, & sic pi-  
stura equalis frugum, partium equalitatem in farinā facit: In-  
equalis per ventos inaequalitatem maximam. Ex molendinis  
tracta farina benē incerniculis cribari debet, subtilioribus vel  
patentioribus, ut subtiliorem vel villiorem panem pinsere est  
animus. Unde incernicula alia filiginaria, alia similaginaria,  
alia pollinaria sunt. Cribrata farina aqua tepens cum fermen-  
to addenda, masq; ex his diligenter versanda, ac in omnem  
partem subagitanda; tegendaq; ne vis fermentescens evanes-  
cat. Etiam salis aliquid est adiciendum, ut glutinositas mas-  
sa validius disjiciatur, & sapor gratus pani concilietur. Sub-  
agitatio in omnem partem crebra sit & assidua, quō salis, fer-  
menti, & aquae vires quaquaversum insinuentur, ac evictā  
glutinositate panis benē solutilis reddatur, nec ori stomachovē  
tardiosus ac noxius evadat. Vbi versatio minū exacta est, post  
cocturam in pane reperiuntur partes quaedam nimis farinaceae  
& glutinosae, quaedam nimis salitae, quaedam prorsus insipidae  
restant. Massa ad panem coquendum secta moderata sit quan-  
tutatis, ut commodē quoad omnes partes percogni possit: furnus  
moderatē incalescat; nec nimium, ne panis nimis incrustetur:  
nec minimum, ne lenescat. Lignis siccis, non putridis, cari-  
osis, humidis, aut graveolentibus. Coctura sit moderata, quae  
humorem excrementitium absumat in massā, non alibilem. Am-  
plius de his consulatur Brujerinus l. 6 d. cibis. c. 8. Romae  
pistorum, & ut veteres loquebantur, pinforum, certum corpus,



consortium, familia, collegium erat, qua modò pistrino, modò panificio dicuntur obnoxia: unde non panem tantum fecisse, sed & farinas moluisse & subegisse constat, patetq; ex ijs, qua instrumento pistoris Paul<sup>o</sup> l. 33. ff. t. 7. l. 1. 8. annumerat, & l. 7. C. Theo. de pist. & Cat. Vi. sinis, molis, machinis, cribris. Quod & ex Pomponio, Diomede, & Eusebio confirmat Cujacius l. 16. observ. c. 5.

37. Qui explorando pani publicè præfecti sunt, observent, ut ad assignatam mensuram & pondus legitimè panis coquatur, nec alieni quid in eo committatur. Quod versutiâ malitiâq; panificum facile fieri posse & vetusta & hodierna exemplis confirmavit experientia. Olim in jure Romano præfecti panum & frumenti statuti erant, qui annona, frumenti, panumq; curam haberent. Videatur lib. 1. Digestor. tit. 2. leg. 2. §. 32. 33. & lib. 50. t. 4. l. 18. §. 7. Vbi dicitur. Hirenarchæ quoq; qui disciplinæ publicæ & corrigendis moribus præficiuntur, personalibus muneribus adgregantur. Item Episcopi, qui præsunt pani, & cæteris venalibus, quæ civitatum populis ad victum quotidianum usui sunt, personalibus muneribus funguntur. Confer etiam l. 12. Codicis, tit. 59. & quæ Cujacius ad illum locum observat. Ita panes gradiles apud Veteres erant, qui curâ præfecti annona dividebantur. Vide sect. 2. §. 50. Hic loci Spiritum panis vocamus illum, qui indagandis captivandisque furibus alijsq; sceleratis præfectus est, Den Brodgeist. Appellatione ex priscorum analogiâ de Episcopo panis iraductâ, & apud quos simile officium hirenarcharum erat, qui in publicè sceleratos inquirebant, & ad pœnam trahebant, ut ex Digestis patuit. Ita nostro olim & cura publicorum panum, & captivandarum sceleratorum incubuit, Panesq; publicos contra leges paratos fisco ac usibus notuorum inferre debuit. In Germaniâ superiore, usque

Frân-



Francfurti, ex 2. libris farina 3. libra panis parari jubentur. Alij accuratius rem lustrantes ex 5. libris farina 7. libras panis parari posse deprehenderunt, ac hoc in Germaniâ & maritimis civitatibus servari ajunt. Hoc modo ex 90. libris farina 126. libra panis, aut circiter, pro copia furfurum, parari possint. De quo toto argumento copiosius differentem Vide Sebaldu Møllerum peculiari tractatu vom Brodbacken/ Regiomonti Anno. 1602. edito, ubi plenius omnia deducuntur, & exemplis firmantur. Apud Parisienses qualis proportio panum ad farinam habeatur, ex Budao tradit Brujerinus c. 1. c. 9.

38. Ita & de usu panis I theologico ac Mechanico, universisq; ejus affectionibus, adeoq; absolute de eo actum. Spectetur & jam respectivè ratione cognatorum & oppositorum suorum. Cognata panis sunt omnes pulres vel ex leguminibus confecta, ut hordeacea, fabacea, oryzaea, panicea, rapacea: vel ex fructibus, ut pomosa, pyrosea, & similes. Item placente varij generis, de quibus sect. 2. §. 49. dicitur: Et carnes piscisq; varij, ex quibus cibos in usum dapum concinnamus. Ubi queritur I. Utrum magis meliusq; nutriat, panis an caro? Panis magis nutrit, i. e. efficacius, quia & multum moratur in Stomacho, & tardius convertitur carne, siq; diutius velut alii: Sed caro magis nutrit, i. e. citius & facilius digeritur, in substantiam membrorum convertitur, & tardius à membris separatur: Majorq; est analogia inter carnem & nostram substantiam, quàm inter panem & illam, unde plus allicit natura nutrimentum carnis, quàm panis, tardiusq; abire sinit, & major est oblectatio carnis, ac panis, quàm vis hujus major in vitâ sit necessitas. Dices: In pane est cibus simul & potus, nam farinâ ex aquâ subigitur. E. magis nutriet panis, quàm caro, R. Est quidem potus, i. e. humiditas aliqua, sed aquosa, quæ non ita nutrit, ac spiritiosa, oleaginosa, ac aëria, qualis humiditas



89.

*datur. 2. Cur repletio nimia carnis minus nocet repletionem panis? Vel quia alimentum panis est firmitus & durabilius nutrimento carnis. V. l. 15. Vel quia panis maiorem plerumque impuritatem ac viscositatem obtinet, quam caro, cuius viscositas facilius corrigitur coquendo, ac panis. Ideo huius repletio nocentior est, illius minus nociva.*


39. Opposita panis privativa & contraria per analogiam ita dicta assignari possunt. Rigidè nihil horum in pane est, quia nec habitus est, cuius propria est privatio: nec qualitas aliqua, cuius propria est vera contrarietas. Privativa erunt panis defectus, cum haberi ille non potest, ut in magnâ fame & annona caritate, quâ compulsi homines in usum ciborum rapere coguntur, à quibus Natura aliâ abhorret. Apud Athenienses tanta fames aliquando, ut ad insolitos cibos ventum. Flor. l. 3. c. 5. Calaguritanî in fame nihil non experti sunt. Idem c. 22. In Corbulonis exercitu panis inopia, ut carne pecudum famem propulsare coacti fuerint. Tacit. l. 14. ann. c. 24. Sub Tiberio plebes acri annonâ fatigata. Id. l. 4. c. 6. In castris Antonij contra Parthos tanta panis inopia, ut dua libra panis iuristici 20. sesterijs venderetur, hordeaceus panis pari argento venderetur. Stradius in l. 4. Flor. c. 10. Romanis quondam fame pressis quidam à 5. filijs panem dare rogatus dolore dissimulato sequi tanquam accepturos iussit. Vbi ad Tiberis pontem venisset, capite obvelato in flumen se precipitavit, ne filios fame perire videret. Sigon. l. 19. Saguntini ab Annibale oppressi humanas ederunt carnes. Petavij idem in ultimâ fame fecerunt, cum esset Numantia à Scipione capta, inuenta sunt matres, liberorum suorum semesa in sinu tenentes corpora. Petron. in sat. cis finem. Cum Vienna Anno 1485. à Mart. Coruino obsideretur, modius farina 107. R. venijt. Dresfer. mill. 6. p. 422. Græci famem morbosque virgis ex adibus solebant ejicere.

dienc-




dicentes: ἔξω βέλαιμον, ἐσθὲ δὲ πλεόντων καὶ ὑγιάνων. Foras buli-  
 mum, intrò autem divitias & sanitatem. Plutarch. lib. 6.  
 symposiac: q. 8. Brutus cum Dyrrachio Apolloniam per ni-  
 vem copiosam proficisceretur. & cibos gestantium nemo cum  
 assequeretur, panis cibiq; inopiâ in tantum laboravit, stimu-  
 lante insuper bulimo, ut milites ejus ad muros accurrere, & ab  
 hostibus excubitoribus panē flagitare coacti fuerint, quo statim  
 accepto Brutum recreaverunt. Plutarch. c. l. Anno 1631. in  
 memorabili Suecorum cum Tillio ad Lipsiam pralio inter Sue-  
 cos tanta annona angustia fuit, ut Gustavo patientissimo Regi  
 post toto die toleratam inedia viam assis panis buccæ impetrari  
 potuerit. Gebhardus in Orat. Paneg. litt. e. 2. Accolus ma-  
 ris Forbisseri in septentrione nullus panis nec frumentum est,  
 herbas crudas & carnes piscesq; crudos vorant. Mercat. in Atl.  
 min. p. 23. a. In Germania hinc inde per bellica hac tempo-  
 ra ingens panis defectus & caritas extitit. An. 1631. tanta an-  
 nona caritas, ut panem 2. 1/2 Stuberorum pro 10. Stub. emere  
 necessum fuerit. Meretan. Contin. l. 48. p. 136. a. An 35.  
 Gochi in Clivisâ unus panis 3. 1/2. venditus est. Idem l. 53. p. 429  
 Exempla plura l. 54. & 55. p. 473. 493. 514. 559. 568. habet.  
 Plura aliâs de hoc. Contraria panis analogica esse possunt partim, quæ  
 panē ejusvè materiâ corrumpunt. Partim qui mîrè eum horruerūt, aut carere  
 eo potuerūt, aut variè abusi sūt. Quæ panē corrūpūt, mucor, situs & mu-  
 cositas sunt. Mucor est corruptio panis à contrario naturæ ejus e-  
 veniens. Quæritur hic 1. Quæ causa istud contrarium sit? Vel  
 nimia vetustas, quâ nimium siccescit panis, ut humido universo absump-  
 to situs tandē panē corripit, quò velut marcore absumatur panis, quomo-  
 do in senibus ob nimiam humidi radicalis absumptionem marcedinem &  
 tabem senilem, ipsamq; mortem naturalem tandem subire videmus: Vel  
 externum ambiens nimis humidum ac putredini amicum, quod cum à calo-  
 re panis debili capi ac conservari nequeat, corrumpitur, & consequenter  
 panem in corruptionem trahit. Sic partes panis molliores & inanes citius muces-  
 cunt, quia major in illis humiditas. Et in loco clauso, minime ventilato & hu-  
 mente citius situs panem infestat. Est situs putredo aliqua,  
 & sic generalibus putredinis causis facilitè  
 inducenda.











Biblioteka Jagiellońska



stdr0019288



